

VEÛY VOLTÎ

Come li tch'vau qui s' rapaujîye
Et qui pompe l'aîwe au ru,

Come on bèveû al nêt,
Qu'a dandjî di s' botâye,

Come on manant qu'a fwin,
Dji m' daure lès brès tot laudjes

Su tès cotoûs mièrnus
Qui dji mache avou m' sé.

QUÎ Ç' QU'A DIT

Qu'on r'toûnereût à pouchêre,
Qu'on r'mouchereût è tête ?
 Quî ç' qu'a dit
 Qui l' vint sèreût on linçoû
 Po nos-èpwârter on djoû ?...

Ti vikerès todi dins mès nêts,
 Si lèdjêre su mi spale.
Dji sondjerè todi conte twè,
 Tès brès loyîs à m' cô.
 Èt dj'ètindrè todi
Come li tchanson d' nos bètchs
Si piède dins nos cwârps djus....

Maujni